

Dragi učenice/Draga učenice,

Želim ti sretan početak nove školske godine, uspješno savladavanje gradiva i dobrih ocjena, druženja sa vršnjacima/vršnjakinjama i mnogo, mnogo zdravlja. U trenutnoj situaciji, najvažnije od svega je da ti, tvoji roditelji i tvoja porodica budete zdravi.

Ljekari svakodnevno prate situaciju i pokušavaju spriječiti zarazu od virusa COVID-19, a mi se iskreno nadamo da će se stanje uskoro normalizovati. I ti kao srednjoškolac/ka, znaš da je do tada bitno da se čuvaš, da vodiš računa o sebi, o svojim prijateljima, kao i o svojim roditeljima/starateljima i porodici. Mjere nisu propisane s ciljem da izazovu paniku, nego da budemo odgovorni i pazimo i na sebe i na druge u svom okruženju, kako bi se zaraza što prije suzbila. Prema tome, važno je da se pridržavaš propisanih mjera, kao što su pranje i dezinfekcija ruku na ulasku u školu, nošenje maske u hodnicima, ispred i pri izlasku iz škole, mjerenje temperature, nošenje užine u školu i fizička distanca. Poštovanje fizičke distance ne znači da se ne možeš nastaviti družiti s prijateljima, pričati, razmjenjivati znanja i iskustva.

Budi hrabar/a, budi strpljiv/a. U ovom vremenu izazova prema prijateljicama i prijateljima pokaži ljubav, veliko srce i empatiju, dijeli znanje. Sada kad se vraćaš u učionicu, kao srednjoškolac/ka pokaži razumijevanje i poštuj sve propisane mjere. Mi ćemo učiniti sve što je u našoj moći da ova školska godina prođe najbolje, bez obzira na sve okolnosti, a ti svojim postupcima pokaži odgovornost.

Ako se ne osjećaš dobro, nemoj dolaziti u školu, nego se javi razredniku/ci, koji/a će ti obezbijediti materijale za dane kada nisi bio u mogućnosti da pristustvuješ nastavi. Ako se na času slučajno ne budeš osjećao/la dobro, javi se nastavniku/ci, s kojim/om ćeš otići u drugu prostoriju, pričekati svog roditelja/staratelja i s kojim ćeš otići ljekaru. Ne mora značiti da si se zarazio/la virusom COVID-19 ako se ne osjećaš dobro, posrijedi može biti i prehlada ili gripa. Znaš da ne trebaš paničiti i ako slučajno budeš zaražen/a. Ali kao odgovorna osoba, znaš da je bitno da u tom slučaju ostaneš kod kuće, kako bi ozdravio/la, te kako zarazu ne bi prenio/jela na svoje prijatelje i prijateljice. Ako budeš bolestan/na, nastavne materijale dobit ćeš putem platforme da ne bi propustio/la gradivo i da bi i kod kuće mogao/la učiti.

Još jednom želim ti uspješno školovanje. Prihvati sve izazove ove, svima posebne i neobične godine, i nastavi graditi stablo iskustva i znanja koja će te formirati u kvalitetnu ličnost. Zapamti, sve će ovo proći, a do tada se svi moramo čuvati. Ti moraš čuvati sebe, svoje prijatelje, svoje roditelje/staratelje, svoju porodicu. Održavaj distancu, nosi masku po potrebi i uči, druž se i uživaj u školi.



Ministar
dr.sc. Rasid Hadžović